



Protocol da la radunanza generala dal als 27 marz 2019, a las 20:15h illa Chasa Fliana a Lavin

Preschaints: 27 personas (vair la glista da preschentscha acclusa) e nos president Jachen Erni

Lic.iur. e notar Thomas Nievergelt per la tractanda 6

S-chüsats: Anita Burkhalter, Verena ed Ernst Oberli, Gianna Martina Peer, Roman e Silvia Meng, Andrea e Katrin Zogg, Adele Marugg, Anny Unternährer, Buolf e Cilgia Nogler, Christian Fanzun

1. Bivgnaint

Nos president Jachen Erni das-cha salüdar a 27 commembras e commembers a quista radunanza generala chi'd es in quel sen ün pa speciala, causa chi vain preschantada üna proposta per garantir l'andamaint dals affars da la chasa Fliana pel futur.

Perquai es quista saira eir preschaint il giurist sar Thomas Nievergelt, chi maina lura eir il protocol per la tractanda 6.

Il president constata cha la radunanza es gnüda convocada tenor ils tschantamaints e perquai abla da trar decisius.

2. Tscherna dombravuschs

Jon Ritz e Christa Pinggera vegnan elets sco dombravuschs.

3. Approvar il protocol da la radunanza generala dals 20 marz 2018

Il protocol da la radunanza generala dals 20 marz 2018 vain prelet ed approvà.

4. Approvar il rapport da gestiun

Il president Jachen Erni dà ün sguard inavo sül on da gestiun: El manzuna in seis rapport ils puncts culminants dal on scuors ingio cha la suprastanza s'ha occupada sper las tractandas statutarias e'l program cultural culla dumonda da l'avegnir da la Chasa Fliana e da la società, chi accumulscha duos dovairs: D'üna vart l'organisaziun e la realisaziun dals cuors ed activitats e da tschella vart la gestiun e'l mantegnimaint da la Chasa Fliana.

Il president resümescha ils cuors e referats chi'd han pudü gnir manats tras l'on passà ed a quals han tut part numerusas personas. Uschè cha la società po verer inavo sün ün on da grond success.

Displaschaivelmaing ha la società stuvü tour cumgià l'on passà d'üna fidela commembra, duonna Irma Egler. Las preschaintas e'ls preschaints onureschan la trapassada cun ün minut da silenzi.

La situaziun finanziaria da la società s'ha stabilisada ed il numer da commembers s'ha augmantà sün 218. Eir las entradas da fit per l'allogi illa Fliana s'han augmantadas i'l 2018. In quist lö ingrazcha il president a l'administratura Anna Margaritta Filli per seis instancabel ingaschamaint, al cussagl, la suprastanza ed als revisurs ed eir a tuot las otras personas chi sustegnan in qual sia che möd a la Fliana. (Il rapport es acclus a quist protocol).

Il rapport vain approvà unanimamaing.

5. Rendaquint 2018, rapport dal revisurat

Causa cha'l fiduziari as ha s-chüsà causa malatia per quista radunanza, preschainta il president Jachen Erni il rendaquint 2018.

Las entradas s'amuntan a frs. 95'448.20 (büdschet: frs. 74'500.00).

Las expensas s'amuntan a frs. 94'828.61 (büdschet: frs. 75'501.00).

Quatras resulta ün guadogn da frs. 619.59 cun amortisaziuns da frs. 28'300.- (büdschet: frs. 1'001.00).

Las activas s'amuntan a frs. 374'120.68 ed las passivas a frs. 373'501.09.

Ils revisurs da quint, Armon Bezzola e Fadri Häfner, han revais il rendaquint e la contabilità 2018 ed han chattà tuot in fich bun uorden. Ils revisurs da quint racumondan d'approvar il quint annual e'l bilantsch per l'on da gestiun 2018. (Rapport dal post da revisiun agiunt a quist protocol)

Il quint annual e'l bilantsch vegnan approvats da la radunanza unanimamaing e quatras eir dat discharg als organs respunsabels.

6. Decisiun davart creaziun d'üna fundaziun Chasa Fliana

(Vair protocol separà stat scrit dal giurist e notar Thomas Nievergelt.)

A la fin da las tractandas 6.1 fin 6.10 declera il president Jachen Erni, cha las decisiuns han tschertas consequenzas.

Il cussagl nun exista plü in avegnir.

Il comitè d'organisaziun dals cuors resta inavant e consista our da seguaintas personas (7): Annina Erni, Berta Marugg, Ursina Ganzoni, Christiana Willy (nouv), Erica Bischoff (nouv), Mengiafila Luzzi (nouv) e Christa Pinggera (nouv).

Ottilia Christoffel e Mathilda Pernisch han demischiunà, s'han però missas a disposiziun per güdar a metter insembel il program per quist on. Il president Jachen Erni ingrazcha per lur grond ingaschamaint e surdà ün pitschen regal.

Ils cusgliaders paurils Gianna Martina Peer e Reto Lamprecht sun insè eir üna part dal comitè, agischan però independentamaing e decida per sai davart las sportas. Quellas vegnan definidas in stretta collavuraziun cul Plantahof.

7. Tschernas commembras e commembers da la suprastanza

Las commembras e'ls commembers actuals da la suprastanza s'han miss a disposiziun per la legislatura 2019 fin 2022. Per part cun otras o novas incumbenzas:

	Fin in uossa	Nouv
Jachen Erni	president dal cussagl da fundaziun	president dal cussagl da fundaziun
Jon Peider Mischol	commember da la suprastanza	commember dal cussagl da fundaziun
Annapatrizia Richert	commembra da la suprastanza	commembra da la suprastanza
Annastasia Parli	commembra da la suprastanza	commembra da la suprastanza e commembra dal cussagl da fundaziun
Fabian Schorta	commember dal cussagl ed actuar	president da la suprastanza
Buolf Nogler	commember dal comitè	commember da la suprastanzal

Las preschaintas e'ls preschaint elegian cun unanimità da vuschs a Fabian Schorta sco nouv president da la suprastanza da la società Chasa Fliana per la perioda da legislatura 2019 fin 2022.

Las preschaintas e'ls preschaints elegian in globo e cun unanimità da vuschs ad Annapatrizia Richert, Annastasia Parli e Buolf Nogler sco commembers da la suprastanza da la società Chasa Fliana per la perioda da legislatura 2019 fin 2022.

8. Approvar il preventiv 2019

Il president Jachen Erni preschainta il preventiv 2019 chi muossa ün quint egualisà cun ün pitschen deficit da frs. 351.—, pro amortisaziuns da frs. 7'200.- (4% da la valur da stabilimaint). Las pajas per las muossadras e'ls muossaders d'essan gnir augmantadas al niveau d'avant la crisa (voul dir sün ca. frs. 1'300.- cumprais las spaisas da viadi). Plünavant sun resguardats ils frs. 3'000.- per la lavur dal giurist Thomas Nievergelt in connex culla reorganisaziun da la Fliana e frs. 3'000.- per adattar il sistem d'alarmaziun (Securiton).

Il preventiv vain approvà da la radunanza unanimamaing.

9. Fixar las contribuziuns da las commembranzas 2020

La radunanza decida da laschar la contribuziun annuala sco fin qua: Commembers singuls pagan CHF 30.00, conjugals CHF 50.00 e persunas giuridicas CHF 60.00.

10. Program da lavur 2019

Erica Bischoff preschainta ils cuors ed ils referats dals cuors da duonnas pel on 2019. Quels sun fich variats e las organisaturas spereschan chi aintran darcheu bleras annunzchas per quels cuors.

Reto Lamprecht infuorma, cha davart dal Plantahof sun previs cuors per pauras e paur reguard la registraziun da bescha. In discussiun es eir üna visita dal nouv abitacul da la bacharia Zanetti a Sent. La società Chasa Fliana vegn infuormada davart ils detagls e'l program definitiv subit cha quel es cuntschaint.

11 Propostas inoltradas da commembras o commembers (art. 14, alinea 4 dals tschantamaints)

Propostas tenor artichel 14 nu sun entradas ingünas.

12. Varia

Ün commember less savair, scha'l cas reguard l'imbruogl dal anteriur collavuratur dal büro da fiduziari Bezzola ha pudü gnir serrar giò. Il president respuonda cha quai es stat il cas, ma cha detagls nu pogn gnir comunicats publicamaing.

Il president Jachen Erni ingrazcha als preschaints per la cumparsa e das-cha serrar la radunanza generala a las uras 21.55 h. El invida a tuots preschaints da star amo insembel da cumpagnia pro üna bavarella ed alch da piclar.

In buna fai, l'actuar

Fabian Schorta
Lavin, 01.avrigl 2019